

mihique occurrit revertenti cum pace a filii Ammon, eum holocaustum offeram Domino.

Notandum 2. quod etiam illi, qui admittunt Jephate vovisse reale holocaustum, acriter inter se disputent, an vovendo peccaverit, et votum solvendo parricida fuerit. Cum autem utraque sententia plausibiliter sustineri possit, ideo tam affirmantem quam negantem hic subjicimus. Sit igitur

§ I. — PROPOSITUR SENTENTIA AFFIRMANS.

Resp. et dico: Admodum probabilis est sententia Doctoris Angelici, ex S. Hieron. secunda secunda, q. 88, art. 2, ad 2, de Jephate dicentis: *In vovendo fuit stultus, quia discretionem non habuit, et in reddendo impius*. Addit tamen ibidem: *Probabile est eum posnituisse de facto iniquo*.

Porro stultitiam suam in vovendo prodit ipse Jephate, de emissio voto dolens et dicens, §. 35: *Heu me, filia mea, decepisti me, et ipsa decepta es*.'

Impietatem vero insinuat S. Hieron. in cap. VII Jeremiæ: *Non placuit Deo sacrificium, sed animus offerentis*. Item lib. I contra Jovinian., ante medium: *Reprehenditur Jephate voti temerarii (per occursum scilicet unigenita filie suæ), ex quo volunt (Hebrai) Dei dispensatione esse factum, ut qui improspecte voverat, errorem votorum in filia morte sentiret*.

In eamdem sententiam abit S. Ambros. lib. I Offic., cap. ult.; item Tertul. lib. III cont. Marcionem, Nazianz. Orat. de Machabeis, S. Chrysost. Hom. de Jephate, Procopius in lib. Jud. et variis aliis veteres.

Sententiam hanc etiam exprimit S. P. Aug. 49 in Jud. ita scribens: *Distat itaque hoc quod Jephate fecit a facto Abrahæ, quoniam ipse jussus obtulit filium, iste autem fecit quod et lege vetabatur, et nullo speciali jubebatur imperio... èste vero [rursus de Jephate loquitur] et Deo non jubente, neque poscente, et contra legitimum ejus præceptum ultra sacrificium voluit humanum...* Quia ergo de Jephate facto [hic asserit, ex Scripturis haberi non posse, an revera excusari possit Jephate, an non] in neutram partem sententiam Scriptura Dei protulit, ut noster intellectus in judicando exerceretur, possumus jam dicere, *Deo displicuisse tale votum, et ad illam productam esse vindictam, ut patri potissimum filia unica occurreret*. Quod si sperasset atque voluisset [aliqua exemplaria male legunt « voveret »], non continuo, ut eam viderit, scidisset vestimenta sua, etc... et ideo hujuscemodi patri pœnam fuisse retributam [asserit] ne impunitum talis voti relinqueretur exemplum...

Inst. I. Lib. I de Civit. Dei, cap. 21, ait: *Merito queritur, utrum pro jussu Dei sit habendum, quod Jephate filiam, quæ patri occurrit, occidit, cum se immolatur Deo id voveret, quod ei redeunti de prælio victori primitus occurrisset*. Ergo in hoc puncto dubius fuit S. Pater.

R. Neg. conseq. Quia, ut ex illis verbis patet, nihil aliud ibidem asserit, nisi quod Jephate filiam suam vere et realiter occiderit. An autem jussu Dei id fecerit, hoc loco indissolutum relinquit, cum id merito queri dicat. Sufficit autem id ipsum intento ejus loco objecto; cum ibidem tantum afferat humanas cedes, quæ ab homicidiis vindicantur propter rationes, quarum una est voluntas Dei, aliquem occidi jubentis.

Inst. II. Licet irruptio Spiritus Domini super Jephate referri possit ad fortitudinem; tamen etiam ad emissum votum, quod immediate subditur, vi textus extendi posse videtur.

Ita exceptis parenthesis verbo tenus S. Pater. Ex quibus videtur est, quod non solum Jephate votum, sed ejusdem quoque voti culpet executionem, seu parricidale sacrificium, adeoque realem filiæ immolacionem.

SOLVUNTUR ARGUMENTA. — Obj. I. S. Aug. non videtur haec ibidem ponere ex mente propria; ait enim: *Possimus, inquam, hæc dicere, nisi ab ista sententia duo nos præcipue divinarum Scripturarum testimonia retardarent*.

Deinde primum subjungit, scilicet quod ad Hebr. XI Jephate inter sanctos referatur; alterum quod, juxta sacrum textum, facto in se Spiritu Domini, omnia hæc Jephate peregisse videatur. Unde addit: *Ita ut omnia, quæ deinceps facta sunt, tanquam opera Spiritus Domini, qui super eum factus est, intelligenda facta videantur*.

Neg. assumpt. Nam ad 1 statim respondet S. D.: *Illud quod ex Epistola ad Hebreos commemoravi, inter laudabiles, qui ibidem recoluntur, non solum est Jephate, verum etiam Gedeon, de quo similiter Scriptura dicit: « Spiritus Domini confortavit Gedeon; » et tamen ejus factum, quod de illo auro prædæ operatus est ephud, et fornicatus est post illud omnis Israel, et factum est domini Gedeon in scandalum, non solum laudare non possumus, verum etiam quia Scriptura hinc aperiisse judicavit, reprobare minime dubitamus. Nec tamen ex hoc ulla sit injurya Spiritui Domini, qui eum confortavit, ut hostes populi ejus tanta facilitate superaret*.

Deinde subjungit, quod nihil impedit, quomodo Scriptura uno in loco alicuius fidem laudet, in altero autem ejus peccata veraciter notet.

Secundum solvit ostendendo, quod Deus mirabilia agat non tantum per malos, qui postea convertuntur, sed etiam per eos, qui in malitia sua perseverant. Unde subdit: *Non enim per istos tantum, qui etiamsi peccaverint, inter justos tamen narrantur, sed etiam per ipsum Saülem omnino reprobatum multa Deus populo suo præstisit, in quem insiliuit etiam Spiritus Domini, et prophetavit, non cum juste ageret, sed cum in virum sanctum David innocentemque sacerdotem*.

Inst. I. Lib. I de Civit. Dei, cap. 21, ait: *Merito queritur, utrum pro jussu Dei sit habendum, quod Jephate filiam, quæ patri occurrit, occidit, cum se immolatur Deo id voveret, quod ei redeunti de prælio victori primitus occurrisset*. Ergo in hoc puncto dubius fuit S. Pater.

R. Neg. conseq. Quia, ut ex illis verbis patet, nihil aliud ibidem asserit, nisi quod Jephate filiam suam vere et realiter occiderit. An autem jussu Dei id fecerit, hoc loco indissolutum relinquit, cum id merito queri dicat. Sufficit autem id ipsum intento ejus loco objecto; cum ibidem tantum afferat humanas cedes, quæ ab homicidiis vindicantur propter rationes, quarum una est voluntas Dei, aliquem occidi jubentis.

Inst. II. Verbis jam citatis videtur S. Aug. innuere, quod magis Deo obedierit Jephate immolando filiam, quam obediisset ei parcendo.

R. Neg. assumpt. Etenim si propterea Jephate non faceret, sibi potius in unica pepercisse, quam Dei volun-

R. Dist. assumpt. Irruptio Spiritus Domini super Jephate extendi posse videtur etiam ad emittendum votum in genere, seu indiscriminatum; transeat: ad emittendum votum hoc specificum de immolando primo homine sibi occursuro; nego assumptum. Dico igitur quod (etiam gratis dato, Spiritum Domini irrupisse in Jephate in ordine ad vovendum) indiscrimera ejusdem determinatio fuerit peccaminosa.

Dixi transeat, aut gratis dato: quia contrarium insinuare videtur S. Aug. superius dicens: *Jephate vero et Deo non jubente, neque poscente (poscit autem Deus, imo et reddi jubet quod ex voto a se inspirato sibi debetur) et contra legitimum ejus præceptum, ultra sacrificium voluit humanum*. Adeoque non tantum vovendo, sed etiam volendo et execundo sacrificium humanum, peccavit.

Obj. II. Poterat Jephate fundate suspicari, quod et votum et voti executio, etiam in propria filia, tanto esset Deo gravior, quanto sibi durior: aut si grata non fuisset, quod voti executionem Deus impeditisset: habebat enim exemplum Abrahæ, in quo Deus ad oculum ostendit, quod grata sibi esset intentio patris; quamvis voluntate consequente nollet filii immolationem.

R. Neg. assumpt. Neque enim ista Jephate suspicio fuit fundata, sed erronea, indiscrimera et temeraria: nam S. P. Aug. supra sufficienter asserit, votum Jephate ad illam productum esse vindictam, ut patri potissimum filia unica occurreret... et ideo hujusmodi patri pœnam fuisse retributam, ne impunitum talis voti relinqueretur exemplum. Unde indiscretam illam suspicionem (quam S. Aug. ibidem quoque errorem vocat) permisit Deus in pœnam temerarii voti.

S. Hieronymus etiam, supra citatus, consonat Augustino dicens: *Reprehenditur Jephate voti temerarii*, etc. Nec obstat exemplum Abrahæ: quia distat hoc, quod Jephate fecit, a facto Abrahæ; quoniam ipse jussus obtulit filium, iste autem fecit, quod et lege vetabatur, et nullo speciali jubebatur imperio. Ita rursus S. P. Aug. ibidem.

Inst. I. Juxta S. Aug. supra relatum, Jephate habuit aliquam laudem fidei, quia Deum timuit, ut, quod voverat, redderet, etc. Item juxta S. Hieron. in cap. VII Jeremiæ, placuit Deo... animus offerentis. Ergo saltem executio voti erat licita.

R. totam laudem a S. Aug. Jephate datam, in eo consistere; quia divini in se judicij sententiam non declinavit, sive sperans Deum prohibitum, sicut fecit Abrahæ, sive ejus voluntatem etiam non prohibentis, intellectam facere potius quam contempnere statuens. Ita S. Aug. ibidem. Adeoque non alio ipsum titulo laudat, nisi quo laudari potest ille, qui pœnam ob peccata inflictam a Deo libenter sustinet, et eadem liberari ab infligente sperat.

Inst. II. Verbis jam citatis videtur S. Aug. innuere, quod magis Deo obedierit Jephate immolando filiam, quam obediisset ei parcendo.

R. Neg. assumpt. Etenim si propterea Jephate non faceret, sibi potius in unica pepercisse, quam Dei volun-

tatem seclusus esse videretur. Magis ergo intellectus in eo quod ei filia occurrit ultorem Deum, justeque pœna se fidelerit subdidit, timens severorem tanquam de tergiversatione vindictam. Ita rursus S. P. ibidem. Ex quibus quoque facile datur ratio, quomodo S. Hieron. loco objecto dicat, placuisse Deo animum offerentis.

Obj. III. Propter votum emissum Deus videtur Jephate concessisse ingentem illam contra Ammonitas victoriam.

R. Neg. assumpt. Præterquam enim quod Deus etiam per peccantes et reprobos mirabilia operetur, item quod per malos pastores ad ovile suum reducat errabundas oves, etc., victoria illa potius concessa videatur tum ob peractam populi pœnitentiam, supra cap. X, tum ut vindicaret Deus injurias ab Ammonitis Israeli illatas.

Obj. IV. Si peccaverit Jephate immolando filiam, sequitur quod peccaverit filia ad voti executionem incitando patrem sequentibus verbis: *Pater mi, si aperiisti os tuum ad Dominum, fac mihi quodcumque pollicitus es*. Atqui tamen filia Jephate in hoc facto a SS. PP. mirabiliter laudatur; ergo.

Prob. min. Ex S. Ambros. lib. III Offic. cap. 12, ubi inter cætera dicit: *Quod in spectatis et eruditis viris plenum miraculi est, hoc in virgine multo magnificientius, multoque illustrius deprehenditur*.

R. Neg. sequelam maj. Quia apprehendit filia Jephate, patrem suum revera suo voto obstrictum; et hinc timens ne violati voti pœnas luarent et pater et patria, promptam se morti obtulit amore patriæ et religionis, atque alacriter ad sacrificium properavit.

Unde de ea ita loco cit. discurrere pergit Ambrosius: *Redit ad patrem quasi ad votum rediret, et voluntate propria cunctantem impulit, fecitque arbitratu spontaneo, ut, quod erat impietas fortuitum, fieret pietatis sacrificium*.

Inst. I. Si Jephate vovisset se ducturum in uxorem primam sibi occursuram virginem, et occurrens ei filia dixisset: *Fac mihi quodcumque pollicitus es*, incitasset ipsum ad incestuosum matrimonium; ergo etiam hic incitavit eum ad suicidium.

R. Nego conseq. Disparitas est, quod in primo casu non potuisset invincibiliter ignorare, quin votum illud fuisse Deo ingratum, cum ab orbe condito nullum similis matrimonii haberetur exemplum: in secundo autem casu exemplum præcesserat Abrahami, cuius efficax filium immolandi voluntas fuerat Deo gratisima.

Inst. II. S. Ambros. immolationem istam vocat pietatis sacrificium: ergo licet vovendo peccaverit Jephate, non peccavit tamen filiam immolando.

R. Disting. ant. Vocat pietatis sacrificium ex parte filiae, sibi firmiter persuadentis, hanc esse Dei voluntatem; concedo: ex parte temerarii patris; nego aut., cum clare dicat sic fuisse impietas fortuitum, etc.

Inst. III. Idem S. doctor loco præcitat. dicit de Jephate: *Non possum accusare virum, qui necesse habuit implere quod voverat*. Ergo, etc.

R. Neg. conseq. Nam licet per ista verba culpam;

Jephite extenuet, tamen penitus eum non excusat; si quidem ibidem præmitit: *Neque unquam adducar, ut credam non incaute principem promisso Jephite.* Et ne credas, solum ab eo votum fuisse culpatum, subdit: *Miserabilis necessitas, que solvitar parricidio.*

Obj. V. Immolatio filie Jephite fuit perfectissimus typus immolationis Christi in cruce; ergo videtur voluisse Deus ut haec figura daretur.

R. inde quidem sequi quod innocens illa filia ex voluntate divina Christum perfecte præfiguraverit; sed minime hinc consecutarium est, quod divinitate Iudei voluntatis executor a peccato possit vindicari; sicut nec executores sententiae in Christum latè excusantur. Ita quoque perfecta figura venditi a Iuda Christi fuit venditus a fratribus Joseph; at non ideo venditores ejus a peccato fuerunt immunes.

Obj. VI. S. Hieron. in cap. VII Jeremie, aliqui patres excusant hanc Jephite executionem: 1. Propter ignorantiam, qua rude illud seculum erat involutum, adeo ut, teste Abulensi, ne summus quidem sacerdos hunc casum posset resolvere. 2. Propter zelum religionis, quo simplici, candido pioque animo se voto suo obstrictum arbitrabatur; maxime cum esset homo militaris, quales se votis et juramentis suis, etiam perperam factis, obligari facilius apprehendunt. 3. Timebat vindictam Dei in se et populum, si votum non observaret. 4. Votum suum Deo gratum existimabat, quia eo vix emissio tam ingentem victoriam obtinebat. 5. Jephite a nullo propheta vel pontifice legitur reprehensus: cur ergo nos eum damnamus?

R. præterquam quod haec omnia ex ante dictis solvi valeant, ex iis quidem sequi, quod peccatum Jephite extenuet, non item quod penitus tollatur. Nam per bimestre posse dari ignorantiam invincibilis in præcepto *Non occides*, quod ex primis juris naturæ principiis proxime deducitur, haec tenus putamus inauditum; quamvis aliqui putent, quod ad breve tempus præceptum illud, in quibusdam circumstantiis, possit invincibiliter ignorari.

Obj. VII. Auctor Questionum ad orthodoxos, inter opera S. Justini, Q. 99, dicit diabolum occursum filie tentasse Jephite, ut votum suum violaret, illumique hanc tentationem superasse, atque ideo sanctorum catalogo adscriptum; ergo voto illo tenebatur obstrictus, illudque adimplendo laudem promeritus est.

R. Disting. conseq. Ergo voto illo tenebatur obstrictus ex conscientia erronea (quam tamen deponere debebat), illudque adimplendo promeritus est laudem fidei; transeat: voto illo tenebatur obstrictus ex conscientia recta, et promeritus est laudem justitiae nego consequentiam.

§ II. — PROPOSITUR SENTENTIA NEGANS.

Sententia haec, quæ nempe negat, Jephite votando peccasse, et votum solvendo parricidam fuisse, etiam admodum probabilis est, et satis plausibiliter sustineri potest.

Totidem autem ejusdem circiter sunt probationes, quot ante posuimus objections. Principaliter autem

se fundat in eo, quod Spiritus Domini legatur factus super Jephite, ut illud votum emitteret: siquidem id innuit et clare significat sacer textus supra citatus. Etenim hic y. 29 et seq. dicitur Spiritus Domini eodem modo factus super Jephite, ut voveret, sicut infra, cap. XIV, 19, dicitur irruisse in Samsonem, ut occideret Philistæos. Unde sicut ex illis verbis: *Irruit itaque in eum (Samsonem) Spiritus Domini, descenditque Ascalonem, et percussit ibi triniginta viros, bene sequitur, quod istos 50 viros interficeret ex impulsu Spiritus Domini: ita pariter ex his verbis: Factus est ergo super Jephite Spiritus Domini... et transiens ad filios Ammon, votum votavit, etc., bene concluditur, quod votum istud emiserit ex instinctu Spiritus Domini. Adeoque nec votando peccavit, nec votum solvendo parricida fuit.*

Nec refert, quod etiam Spiritus Domini legatur confortasse Gedeonem, et tamen hic peccaverit petendo duo nova miracula, item conficiendo ephod: quia nimis Scriptura supra, cap. VI, tantum dicit, quod Spiritus Domini induerit seu confortaverit Gedeonem, ut congregaret exercitum ad profligandum Madianitas, non vero ut peteret duo nova miracula. Item cap. VIII non dicit: *Factus est super Gedeon Spiritus Domini, et fecit ephod*, sicut tamen hoc cap. dicit: *Factus est super Jephite Spiritus Domini, et votum votavit.* Ergo clarum est, quod Spiritus Domini factus sit super Jephite, ut voveret, non vero super Gedeon, ut peteret duo nova miracula, aut ut conficeret ephod.

Ad auctoritatem autem SS. patrum respondetur, quod illi quoad resolutionem hujus quæstionis inter se non convenient. Nam licet SS. Chrysost. et Ambros. hoc votum ejusque executionem culpent, tamen S. Hieron. epist. 34 ad Julianum, non aliorum, sed suam mentem exprimens, illud laudat et approbat. Dicit enim ibidem: *Jephite obtulit virginem filiam, indicio in enumeratione sanctorum ab Apostolo ponitur.* Unde dum loco supra cit. ex lib. I cont. Jovin. Jephite arguit temeritatis, non ex sua, sed ex quorumdam Hebraeorum loquitur sententia; nam textus ita sonat: *A plerisque Hebreorum reprehenditur Jephite voti temerarii, quia dixerit: Si tradens tradideris filios Ammon, etc.*

Denique ad auctoritatem S. P. Aug. respondetur, quod ipse in haec quæstione haeserit dubius, nec eam positive resolvare voluerit. Idque patet, 1. ex loco § præced. ex lib. I de Civ. Dei, cap. 21, citato. Patet 2. quia Q. 49 in Jud. tam negantem, quam affirmantem opinionem proponit: et postquam de hac materia in utramque partem ad longum disputasset, tandem ita concludit: *Hæc autem festinantis nobis de prædicta quæstione satis esse utcumque discussa pro hac quidem parte visa sunt. Nunc jam quid Spiritus Domini, sive per nescientem Jephite sive per scientem, sive per ejus imprudentiam sive per obedientiam, sive per offenditum sive per fidem, in hac re gesta præfiguravit, quantum Deus adjuvat requiramus, breviterque pandamus.* Sane haec verba: *Sive per imprudentiam*

sive per obedientiam, sive per offenditum, sive per fidem, satis clare innunt, quod S. Pater hanc quæstionem nec pro una, nec pro alia parte positive resolvere voluerit.

Unde et ante ibidem dixerat: *Quam ob rem si Spiritus Domini, qui factus est super Jephite, ut hoc voveret omnino præcepit... non solum insipientia culpanda non est, verum etiam laudanda obedientia est...; si autem Jephite humanum secutus errorem, humanum sacrificium vovendum putavit... ejus quidem peccatum in unica filia punitur est... verum tamen is etiam ejus error habet aliquam laudem fidei, quia Deum timuit, ut quod voverat redderet, etc.* Ex quibus verbis rursus liquet, quod S. Pater nihil aliud velit, nisi quod Jephite laudabiliter fecerit, si nempe votum illud emiserit ex instinctu Spiritus Domini; male vero, si illud emiserit ex instinctu proprio seu privato. Sed ex quo instinctu votum hoc emissum fuerit, non resolvit. Unde dum antea in præcit. Q. 49 votum illud culpat, pergit ex supposito, quod scilicet Jephite non ex instinctu Spiritus Domini, sed ex instinctu privato primum hominem, sibi a victoria revertentis occursum, immolare voverit: additique, votum illud ejusque executionem propterea præcise non posse a peccato excusari, quia magnum aliquid et spirituale significavit. Quod omnino verum esse, nemo dubitat.

Cap. XII narratur, quomodo Ephraimitæ, suscitata seditione injuste adversus Jephite tumultuantur, cæsi sint ad 42,000. Moritur autem Jephite sexto sui principatus anno; eique succedunt Abesan, Ahialon, et Abdon. Sed quia hoc cap. nihil notabile occurrit, ideo transimus ad

CAP. XIII, XIV, XV, XVI.

Angelus annuntiat ortum Samsonis, atque in flamme sacrificii in cœlum reddit. Samson divino impulsu uxorem postulat Philistæam, quam desponsaturus, leonem ovulum discerpit. Per trecentas vulpes segetes Philistinorum succedit. A Dalila proditus, per Philistæos ligatur, et oculis orbatur; concutiensque duas domus columnas, hostes secum ruina obruit.

QUESTIO I. — DE CONCEPTIONE ET NATIVITATE SAMSONIS.

Postquam Israelites rursus in idolatriam relapsi fuissent, et propterea per novam oppressionem Philistinorum a Deo castigarentur, ortum Samsonis, qui incipiet populum Israel liberare, parentibus ejus annuntiat angelus. Porro de patre Samsonis dicitur cap. XIII, 2: *Erat autem quidam vir de Saraa, et de stirpe Dan, nomine Manue.* Fuit ergo Samson de tribu Dan, et de illo cum S. Hieron. lib. Tradit. heb. in Gen. interpres communiter intelligunt haec Jacobis verba Gen. XLIX, 16: *Dan judicabit populum suum, sicut et alia tribus in Israel.* Etenim his verbis allusione facta ad nomen Dan, id est judicans, Jacob prædictus inter illius patriarchæ posteros aliquem futurum judicem, qui judicabit populum Israel non minus quam aliae tribus, quæ nempe suum Israeli dederunt judicem. Jam autem ex tribu Dan nullus

fuit judex nisi Samson; ergo de illo intelligentur jam citata Jacobi verba: ac proinde non videtur subsistere opinio eorum, qui dicunt, Samsonem non fuisse proprie dictum judicem populi, sed tantum vindicem sub judice Heli. Interim ut revertar ad parentes Samsonis,

Sciendum est, patrem ejus virum fuisse valde bonum, ut satis declarat præsens historia, cuius, sicut et matris, religio, virtus, et pietas colligitur ex subito ejus recursu et precatio ad Deum, ubi de filii nativitate alloquo angelico instructus erat.

Habens uxorem sterilem. Sic multi alii viri magni matrem habuerunt sterilem, ut ostenderetur, eos a Deo datos esse mundo ad ipsius salutem.

Apparens autem angelus matri Samsonis dicit y. 4: *Cave ergo ne bibas vinum aut siceram, id est, omnem potum inebriativum. Debebat ergo vivere ut Nazareæ, saltem usque ad partum filii, ut miram istam prolem in lucem ederet.*

y. 5: *Quia concipies et paries filium, cujus non tanget caput novacula; quia nempe Nazarei tempore sue consecrationis, aut separationis, non poterant radi, ut habitur Num. VI, 5. Samson autem fuit Deo consecratus per totam vitam suam; ideoque additur: Erit enim Nazareus (id est, separatus et Deo consecratus) ab infantia sua, et ex matris utero. Quod non ita intelligendum est, quasi fuisse sanctificatus in utero, sicut S. Joannes Baptista, sed ista consecratio intelligitur, sive per donum fortitudinis, quæ fuit quedam gratia gratis data, et potest consistere cum reatu peccati mortalis, sicut et donum prophetæ; vel insinuat duntaxat, eum jussu divino, statim ut natus fuerit, a parentibus, tanquam Nazareum, Deo offerendum ac consecrandum esse. Hinc*

Nota, quod in verbis angelii non tam continetur oraculum, quam divinum præceptum, ne Samson aut parentes tondeant ejus caput. Quod autem Dalila ipsum totonderit, id fecit dormienti et invito, fraudulenter et hostiliter.

y. 17: *Dixitque (Manue) ad eum (angelum) quod est tibi nomen? Respondit autem angelus y. 18: Cur queris nomen meum, quod est MIRABILE? In Hebreo habetur peli, id est, celatum vel occultum. Arias tamen vertit etiam mirabile. Cur autem angelus non expresserit nomen suum, quod tamen subinde fecerit et angeli, rationem assignat Estius, quia angelus hic sustinuit personam Dei, cujus nomen est mirabile, quia natura incomprehensibilis.*

y. 20: *Cumque ascenderet flamma altaris, id est, cum ascenderet flamma de petra, quæ hic loco altaris fuit, angelus Domini pariter in flamma ascendit, ut se non hominem prophetam, sed angelum ostenderet, seque mystice representare Christum, qui imolans se in ara crucis per flammam caritatis jugiter gloriosus in cœlum ascendit, quique in sacrificio eucharisticæ per flammam caritatis jugiter immolatur; sed ita ut, speciebus in stomacho consumptis, ipse vivus et illæsus evanescat, et in cœlum quasi ascendat.*